

四庫全書

集部

欽定四庫全書

古詩鏡卷十五

明陸時雍編

宋第四

范曄

字蔚宗泰之子也仕文帝時為太子詹事大見信任乃與孔熙先謝綜共謀弑逆事覺伏誅

詩

樂遊應詔詩

崇盛歸朝闕虛寂在川岑山梁協孔性黃屋非堯心軒

駕時未肅文囿降照臨流雲起行蓋晨風引鑾音原薄  
信平蔚臺澗備曾深蘭池清夏氣修悵含秋陰遵渚攀  
蒙密隨山上嶇嶇睇目有極覽遊情無近尋聞道雖已積  
年力互頽侵探已謝丹艸感事懷春林

吳邁遠

好為篇章宋文帝聞而召之及見曰此人勝絕  
之外無所復有好自誇而蚩鄙他人每作詩得

稱意語輒擲地呼曰  
曹子建何足數哉

樂府

飛來雙白鵠

可憐雙白鵠雙雙絕塵氛連翩弄光景交頸遊青雲逢  
羅復逢繳雌雄一旦分哀聲流海曲孤叫絕江濱豈不  
慕前侶為爾不及羣步步一零淚千里猶待君樂哉新  
相知悲來生別離持此百年命共逐寸陰移譬如空山  
草零落心自知

吳邁遠清裁微緒多  
深衷語大足動人

### 長別離

生離不可聞况復長相思如何與君別當我盛年時慙

華每搖蕩妾心空自持榮乏草木歡悴極霜露悲富貴  
貌難變貧賤顏易衰持此斷人腸君亦宜自疑淮陰有  
逸將折羽謝翻飛楚有扛鼎士出門不得歸正為隆準  
公仗劍入紫微君才定何如白日下爭暉

兒女  
謠諷

袁淑

字陽源陳郡陽夏人少有風氣博涉多通元嘉中  
彭城王起為祭酒累遷尚書吏部郎轉御史中丞

再遷太子左衛率元兇將行弒逆呼淑與蕭斌同力  
淑力諫不從遂遇害孝武立贈侍中太尉謚曰忠獻

詩

效古

訊此倦遊士本家自遼東昔隸李將軍十載事西戎結  
車高闕下極望見雲中四面各千里縱橫起嚴風寒燠  
豈如節霜雨多異同夕寐北河陰夢還甘泉宮勤役未  
云已壯年徒為空廼知古時人所以悲轉蓬

王僧達

琅邪臨沂人太保弘少子初為始興王參軍孝武即位以為尚書右僕射尋出補僧達自負才

地謂當時莫及及為護軍不得志乃啓求徐州孝武不悅以為征虜將軍吳郡太守孝建三年除太常意尤不悅上表解職後以歸順功封寧陵縣侯遷中書令僧達屢經狂逆孝武因事下之獄賜死

詩

答顏延年

長卿冠華陽仲連擅海陰珪璋既文府精理亦道心君  
子聳高駕塵軌實為林崇情符遠迹清氣溢素襟結遊  
畧年義篤顧棄浮沈寒榮共偃曝春醞時獻斟聿來歲  
序暄輕雲出東岑麥壘多秀色楊園流好音歡此乘日  
暇忽忘逝景侵幽衷何用慰翰墨久謠吟棲鳳難為條  
淑貺非所臨誦以永周旋匪以代兼金

湯惠休

字茂達初入沙門名惠休孝武命使還俗本姓湯位至揚州刺史

秀色未詔綺情未艷  
良由哀淺以故韻微

樂府

白紵歌二首

琴瑟未調心已悲任羅勝綺彊自持  
忍思一舞望所思  
將轉未轉恒如疑桃花水上春風出  
舞袖逶迤鸞照日  
徘徊鶴轉情艷逸君為迎歌心如一

少年窈窕舞君前容華艷艷將欲然  
為君嬌凝復遷延



流目送笑不敢言  
長袖拂面心自煎  
願君流光及盛年

秋風

秋風嫋嫋入曲房  
羅帳含月思心傷  
蟋蟀夜鳴斷人腸  
長夜思君心飛揚  
他人相思君相忘  
錦衾瑤席為誰芳

秋思引

秋寒依依風過河  
白露蕭蕭洞庭波  
思君未光光已滅  
眇眇悲望如思何

楊花曲三首

歲華結情宛轉風含思掩涕守春心折蘭還自遺  
江南相思引多歎不成音黃鶴西北去銜我千里心  
深堤下生草高城上入雲春人心生思思心長為君  
劉侯

詩

詩一首

南史曰侯彥卿子也常賦詩云云後彥節  
與袁粲謀誅齊高帝不尅死侯亦被害

城上草植根非不高所恨風霜早

鮑令暉

詩品曰齊鮑令暉歌詩往往新絕清巧擬古猶勝唯百願淫矣昭常答孝武云臣妹才自亞於

左芬臣才不及太冲爾

詩

代葛沙門妻郭小玉作

君子將遙役遺我雙題錦臨當欲去時復留相思枕題用常著心枕以憶同寢行行日已遠轉覺思彌甚

古貌

新聲

古意贈今人

寒鄉無異服，羶褐代文練。日月望君歸，年年不解綰。荆  
揚春草和幽冀，猶霜霰。北寒妾已知，南心君不見。誰為  
道辛苦寄情雙飛燕，形迫杼煎絲，顏落風摧電。容華一  
朝改，唯餘心不變。

寄行人

桂吐兩三枝，蘭開四五葉。是時君不歸，春風徒笑妾。  
俏甚

清商曲辭

碧玉歌

碧玉破瓜時郎為情顛倒芙蓉陵霜榮秋容故尚好  
碧玉小家女不敢攀貴德感郎千金意慙無傾城色

同前

碧玉破瓜時郎為情顛倒感郎不羞赧回身就郎抱

同前

碧玉上官妓出入千花林林珠被玳瑁感郎情意深

華山畿

古今樂錄曰華山蠶者宋少帝時懊懣一曲亦變曲也少帝時南徐一士子從華山蠶往雲陽見客舍有女子年十八九悅之無因遂感心疾母問其故具以啓母母為至華山尋訪見女具說女聞感之因脫蔽膝令母密置其席下卧之當已少日果差忽舉席見蔽膝而抱持遂吞食而死氣欲絕謂母曰葬時車載從華山度母從其意比至女門牛不肯前打拍不動女曰且待須臾妝點沐浴既而出歌曰華山蠶君既為儂死獨活為誰施歡若見憐時棺木為儂開棺應聲開女遂入棺家人叩打無如之何乃合葬呼曰神女冢

華山蠶君既為儂死獨生為誰施歡若見憐時棺木為儂開

夜相思投壺不得箭憶歡作嬌時

將懊惱石闕晝夜題碑淚常不燥

別後常相思頓書千文闕題碑無罷時

不能久長離中夜憶歡時抱被空中啼

相送勞勞渚長江不應滿是儂淚成許

奈何許天下人何限慊慊只為汝

嬌怨

郎情難可道歡行豆挾心見荻多欲繞

松上蘿願君如行雲時時見經過

長鳴雞誰知儂念汝獨向空中啼

華上歌最淺俚  
然語各種情

### 讀曲歌

宋書樂志曰讀曲歌者民間為彭城王義康所作也其歌云死罪劉領軍誤殺劉第四是也古今樂錄曰讀曲歌者元嘉十七年袁后崩百官不敢作聲歌或因酒讌止竊聲讀曲細吟而已

花釵芙蓉髻雙鬢如浮雲春風不知著好來動羅裙

念子情難有已惡動羅裙聽儂入懷不



紅藍與芙蓉我色與歡敵莫案石榴花歷亂聽儂摘

吳人我汝皆儂莫案石榴花  
歷亂聽儂摘此儂益謂汝也

千葉紅芙蓉照灼綠水邊餘花任郎摘慎莫擺儂蓮

思歡久不愛獨枝蓮只惜同心藕

不愛獨枝蓮只惜同心藕藕之為藕蓮之為藕又  
云餘花任郎摘慎莫擺儂蓮動則愛移故惜之

奈何不可言朝看莫牛跡知是宿啼痕

所歡子蓮從自上度刺憶度欲死

思難忍絡鬢語猶壺倒寫儂頓盡

上樹摘桐花何悟枝枯燥迢迢空中落遂為梧子道  
桐花特可憐願天無霜雪梧子解千年

柳樹得春風一低復一昂誰能空相憶獨眠度三陽

風騷

搖蕩

折楊柳百鳥園林啼道歡不離口

嬌愛語 關情處色色

是懷驚心中聲聲是怨

披被樹明燈獨思誰能忍欲知長寒夜蘭燈傾壺盡

標格絕勝

蕭瑟無那語

憶歡不能食徘徊三路間因風覓消息

芳萱初生時知是無憂草雙眉畫未成那能就郎抱

結撰妙絕

恁地欣喜自在歡情

入手樂極忘憂任意從容描畫

百花鮮誰能懷春日獨入羅帳眠

憐歡敢喚名念歡不呼自連喚歡復歡兩誓不相棄

千情萬愛

極意顛倒

奈何許石闕生口中街碑不能語

白門前烏帽白帽來白帽郎是儂良不知烏帽郎是誰

是儂是彼說得三  
三兩兩情事撩人

音信濶弦朔方悟千里遙朝霜語白日知我為歡消  
合冥過藩來向曉開門去歡取身上好不為儂作慮

穢情褻語輕輕  
俊口一迸道出

五鼓起開門正見歡子度何處宿行還衣被有霜露

何處宿行還衣被有霜露冷而  
雋古詩情深多是不曾說破

自我別歡後歡音不絕響茱萸持捻泥龕有殺子像  
黃絲呬素琴汎彈弦不斷百弄任郎作唯莫廣陵散

思歡不得來抱被空中語月沒星不亮持底明儂緒  
詐我不出門冥就他儂宿鹿轉方相頭丁倒欺人目  
欲行一過心誰我道相憐摘菊持飲酒浮華著口邊  
語我不遊行常常走巷路敗橋語方相欺儂那得度  
潤面行負情詐我言端的畫背作天圖子將負星厯  
君行負憐事那得厚相於麻紙語三葛我薄汝麤疎  
黃天不滅解甲夜曙星出漏刻無心腸復令五更畢  
打殺長鳴雞彈去烏臼鳥願得連冥不復曙一年都一

曉

執手與歡別合會在何時明燈照空局悠然未有期  
百憶却欲噫兩眼常不燥蕃師五鼓行離儂何太早  
嬌笑來向儂一抱不能已湖燥芙蓉菱蓮汝藕欲死  
歡心不相憐慊苦竟何已芙蓉腹裏菱蓮汝從心起  
下帷掩燈燭明月照帳中無油何所苦但使天明儂

無已  
之情

執手與歡別欲去情不忍餘光照已藩坐見離日盡

種蓮長江邊藕生黃蘗浦必得蓮子時流籬經辛苦  
十期九不果常抱懷恨生然燈不下炷有油那得明  
自從近日來了不相尋博竹簾衲襠題知子心情薄  
一夕就郎宿通夜語不息黃蘗萬里路道苦真無極  
儂亦粗經風罷頓葛帳裏敗許麤疎中

閨閣斷信使的的兩相憶譬如水上影分明不可得  
罷去四五年相見論故情殺荷不斷藕蓮心已復生

心苗語 情有萬端古今人祇道得一二古歌都  
是實情故可諷可咏唐人拋却真情別求假話古

人存詩教人尋情後人存詩使人尋  
話則流傳之本反開人假借之門矣

慊苦憶懷歡書作後非是五果林中度見花多憶子

### 石城樂

唐書樂志曰石城樂者宋藏質所作也石城在竟  
陵質嘗為竟陵郡於城上眺矚見尋少年歌謠通  
暢因作  
此曲

大編載三千漸水丈五餘水高不得渡與歡合生居

喜甚

聞歡速行去相送方山亭風吹黃蘗藩惡聞苦籬聲



莫愁樂

唐書樂志曰莫愁樂者出於石城樂石城有女子名莫愁善歌謠石城樂和中復有忘愁聲因有此歌

聞歡下揚州相送楚山頭探手抱腰看江水斷不流

苦情語

烏夜啼

唐書樂志曰烏夜啼者宋臨川王義慶所作也元嘉十七年徙彭城王義康於豫章義慶時為江州至鎮相見而哭文帝聞而怪之徵還慶大懼伎妾夜聞烏夜啼聲扣齋閤云明日應有赦其年更為

南兖州刺史因此作歌故其和云夜夜望郎來籠  
窓窻不開今所傳歌似非義慶本旨臨川王義

慶當作彭

城王義康

歌舞諸少年娉婷無種迹菖蒲花可憐聞名不曾識  
籠窓窻不開蕩戶戶不動歡下歲粧簫交儂那得往

### 襄陽樂

古今樂錄曰襄陽樂者宋隨王誕之所作也誕始  
為襄陽郡元嘉二十六年仍為雍州刺史夜聞諸  
女歌謠因而作之所以歌和  
中有襄陽來夜樂之語也

朝發襄陽城暮至大堤宿大堤諸女兒花豔驚郎目

揚州蒲鍛環百錢兩三叢不能買將還空手攬抱儂  
女蘿自微薄寄託長松表何惜負霜死貴得相纏繞


西烏夜飛

古今樂錄曰西烏夜飛者宋元徽五年荊州刺史  
沈攸之所作也攸之舉兵發荊州東下未敗之前  
思歸京師所以歌和云白日落西山還  
去來送聲云折翅烏飛何處被彈歸

陽春二三月諸花盡芳盛持底喚歡來花笑鶯歌詠

妙麗之極  
情色兩絕

感郎崎嶇情不復自顧慮臂繩雙入結遂成同心去



古詩鏡卷十五

欽定四庫全書

集部

古詩鏡卷

十六至  
二十一

詳校官庶吉士

臣范逢恩

主事銜

臣徐以坤覆勘

總校官編修臣王燕緒

校對官中書臣孫溶

謄錄監生臣王靈秀

欽定四庫全書

古詩鏡卷十六

明陸時雍編

齊

齊詩纖巧琢之字句之間齊詩

最絢色澤愈工不覺性情愈隱

王儉

字仲寶瑯邪人宋孝武時襲爵豫寧縣侯明帝選

受禪改封南昌郡公

累遷侍中尚書令

詩

春詩二首

蘭生已匝苑萍開欲半池輕風搖雜蘼細雨亂叢枝

語色

輕翠

風光承露照霧色點蘭暉青萸結翠藻黃鳥弄春飛

藻

春夕

露華方照歲雲彩復經春虛閨稍疊草幽帳日凝塵

王融

字元長瑯邪人僧達之孫也少警慧博涉多通仕齊武帝遷秘書丞歷中書郎竟陵王子良拔為寧



朔將軍武帝大漸謀立子  
良及鬱林即位下獄賜死

王融最工刻飾殆  
欲以聲色勝人

## 樂府

### 淶水曲

湛露改寒司交鶯變春旭瓊樹落晨紅瑤塘水初淶日  
霽沙澈明風泉動華燭遵渚泛蘭觴乘漪弄清曲斗酒  
千金輕寸陰百年促何用盡歡娛王度式如玉

瓊樹落晨紅瑤塘水初淶日霽  
沙澈明風泉動華燭語色最絢

詩

棲玄寺聽講畢遊邸園七韻應司徒教

道勝業茲遠心閒地能隙桂棹鬱初裁蘭墀坦將闢虛  
檐對長嶼高軒臨廣液芳草列成行嘉樹紛如積流風  
轉還音旋逕清煙泛喬石日汨山照紅松映水華碧暢哉

人外賞遲遲眷西夕

清煙泛喬石泛  
字佳絕得烟景

寒晚敬和何徵君點

疎酌候冬序閒琴改秋律如何將暮天復值西歸日搖  
落迎軒牖飛鳴亂繩萆煙灌共深陰風篴兩蕭瑟虛堂  
無笑語懷君首如疾早輕北山賦晚愛東臯逸上德可

潤身下澤有徐轡

叶音必

疎酌候冬序閒琴改秋律語如峭壁特起飛鳴亂  
繩萆景色亦佳奉和竟陵王陽臺翻早茂陰館懷  
夕秋翻字駭目詠秋胡高樹升  
夕烟層樓滿初月亦屬佳句

### 和王友德元古意二首

遊禽暮知返行人獨未歸坐銷芳草氣空度明月輝  
嘖

容入朝鏡思淚點春衣巫山彩雲沒淇上綠楊稀待君  
竟不至秋鴈雙雙飛

霜氣下盟津秋風度函谷念君淒以寒當軒卷羅縠纖  
手廢裁縫曲鬢罷膏沐千里不相聞寸心鬱紛蘊平聲況  
復飛螢夜木葉亂紛紛

奉和月下

雕雲度綺錢香風入珠網獨知此夜月依遲慕神賞

謝朓

字玄暉宋僕射景仁之從孫少有美名齊隨王子隆鎮荊州以為文學未幾求還都除新安王記室尋

兼尚書殿中郎宣城王鸞輔政以為驃騎諮議掌中書詔詰轉中書郎出補宣城太守後遷至吏部郎兼衛尉永元初江柘謀立始安王遙光引以為黨不從敕下獄死

謝朓清綺絕倫每苦氣竭其佳處則秀色天成非力所構詩品謂其微傷細密非也其病乃在才不繼耳若情事闕生形神相配雖秋毫畢具愈見精奇累幅連篇深知博大詩之藏否不係疎密間也

## 樂府

### 入朝曲

江南佳麗地金陵帝王州逶迤帶綠水迢遞起朱樓飛甍夾馳道垂楊蔭御溝凝笳翼高蓋疊鼓送華輶獻納

雲臺表功名良可收

凝笳翼高蓋翼

字奕奕生動

臨高臺

千里常思歸登臺臨綺翼纔見孤鳥還未辨連山極四面動清風朝夜起寒色誰知倦遊者嗟此故鄉憶

巫山高

髣髴巫山高薄暮陽臺曲煙霞乍舒卷猿鳥時斷續彼美如可期寤言紛在矚憮然坐相望秋風下庭綠

語翠

可摘

### 曲池之水

緩步遵莓渚披衿待蕙風  
芙蓉渠舞輕帶苞筍出芳叢  
浮雲自西北江海思無窮  
鳥去能傳響見我綠琴中

### 同謝諮議詠銅爵臺

總惟飄井榦樽酒若平生  
鬱鬱西陵樹詎聞歌吹聲  
芳襟染淚迹嬋娟空復情  
玉座猶寂寞況乃妾身輕

總惟飄井榦樽酒若平生鬱鬱西陵樹詎聞歌吹聲  
聲刻意之極直欲逼之使露玉座猶寂寞況乃妾

身輕當是  
綺羅隱曲

詩

遊山

託養因支離乘閒遂疲蹇語默良未尋得喪云誰辨幸  
洩山水都復值清冬緬凌厓必千仞尋谿將萬轉堅崿  
既峻嶒迴流復宛澶杳杳雲竇深淵淵石溜淺傍眺鬱鬱  
篳篥還望森枏樛荒隩被歲莎崩壁帶苔蘚鼯狖叫層巖  
鷗鳬戲沙汀觸賞聊自觀即趣咸已展經目惜所遇前



路欣方踐無言蕙草歇留連芳可搴尚子時未歸邠生  
思自免永志昔所欽勝迹今能選寄言賞心客得性  
良為善

語多實寫景物如歷崩壁帶苔蘚  
點染絕工鷗鳬戲沙衍語亦自在

### 遊東田

戚戚苦無悰携手共行樂尋雲陟累榭隨山望菌閣遠  
樹曖阡阡生煙紛漠漠魚戲新荷動鳥散餘花落不對  
芳春酒還望青山郭

生煙紛漠漠漠漠二字佳最是淡煙野色嘗總謝  
朧之佳句論之塘邊草離紅樹際花猶白兒子學  
語聲口得利魚戲新荷動鳥散餘花落小小結搆  
境趣自成日出衆鳥散山暝孤猿吟清遠自然標  
格道上餘霞散成綺澄江淨如練意象偶會擬議  
不生天際識歸舟雲中辨江樹神會境成景堪圖  
畫花叢亂數蝶風簾入雙燕閨閣風情繡譜物色  
葉上涼風初日隱輕霞暮景色如洗輕快欲絕日  
華川上動風光草際浮指景欲近闕趣未深遠  
山翠百重迴流映千丈村窵躑躅品斯下矣

暫使下都夜發新林至京邑贈西府同僚

大江流日夜客心悲未央徒念關山近終知返路長秋  
河曙耿耿寒渚夜蒼蒼引領見京室宮雉正相望金波

麗鳩鵲玉繩低建章驅車鼎門外思見昭丘陽馳暉不  
可接何況隔兩鄉風雲有鳥路江漢限無梁常恐鷹隼  
擊時菊委嚴霜寄言尉羅者寥廓已高翔

起四語屬高調然一  
喝氣盡下無餘音

酬王晉安

王德  
元

稍稍枝早勁塗塗露晚晞南中榮橘柚寧知鴻鴈飛拂  
霧朝青閣日旰坐彤闈悵望一途阻參差百慮依春草  
秋更綠公子未西歸誰能久京洛緇塵染素衣

郡內高齋閒望荅呂法曹

呂僧珍為  
齊王法曹

結構何迢遞曠望極高深牕中列遠岫庭際俯喬林日出衆鳥散山暝孤猿吟已有池上酌復此風中琴非君美無度孰為勞寸心惠而能好我問以瑤華音若遺金門步見就玉山岑

之宣城郡出新林浦向板橋

江路西南永歸流東北驚天際識歸舟雲中辨江樹旅思倦搖搖孤遊昔已屢既歡懷祿情復協滄洲趣翼塵

自茲隔賞心於此遇雖無玄豹姿終隱南山霧

天際二語不煩意想指點自成品之為上無復  
聲色臭味可謂超絕天然景天然語自屬靈運

家風

### 休沐重還丹陽道中

薄遊第從告思閒願罷歸還邛歌賦似休汝車騎非灞  
池不可別伊川難重違汀葭稍靡靡江蓂復依依田鵠  
遠相叫沙鵠忽爭飛雲端楚山見林表吳岫微試與征  
徒望鄉淚盡沾衣賴此盈樽酌含景望芳菲問我勞何

事霑沐仰清徽志狹輕軒冕恩甚戀閨闈歲華春有酒  
初服偃郊扉

京路夜發

擾擾整夜裝肅肅戒徂兩曉星正寥落晨光復瀼瀼猶  
沾餘露團稍見朝霞上故鄉邈已覓山川修且廣文奏  
方盈前懷人去心賞敕躬每跼踖瞻恩惟震蕩行矣倦  
路長無由稅歸鞅

首六語景色

指點如次

晚登三山還望京邑

灞涘望長安河陽視京縣白日麗飛甍參差皆可見餘  
霞散成綺澄江靜如練喧鳥覆春洲雜英滿芳甸去矣  
方滯淫懷哉罷歡宴佳期悵何許淚下如流霞有情知  
望鄉誰能鬢不變

餘霞散成綺澄江淨如練景色最佳此得象最深  
處又花樹雜為錦月池皎如練則象淺而韻鈍矣  
以月池之景練  
不足以言之

始出尚書省

惟昔逢休明十載朝雲陸既通金閨籍復酌瓊筵醴宸  
景厭照臨昏風淪繼體紛虹亂朝日濁河穢清濟防口  
猶寬政餐荼更如薺英袞暢人謀文明固天啟青精翼  
紫軼黃旗映朱邸還覩司隸章復見東都禮中區咸已  
泰輕生諒昭酒音趨事辭宮闕載筆陪旌棨邑里向疎  
蕪寒流自清泚衰柳尚沈沈凝露方泥泥零落悲友朋  
歡娛燕兄弟既秉丹石心寧流素絲涕因此得蕭散垂  
竿深澗底



直中書省

紫殿肅陰陰彤庭赫弘敞風動萬年枝日華承露掌玲瓏結綺錢深沈映朱網紅藥當階翻蒼苔依砌上茲言翔鳳池鳴珮多清響信美非吾室中園思偃仰朋情以鬱陶春物方駘蕩安得凌風翰聊恣山泉賞

紅藥當階翻蒼苔依砌  
上蒼苔句語極自在

高齋視事

餘雪映青山寒霧開白日曖曖江村見離離海樹出披

衣就清盥憑軒方秉筆列俎歸單味連駕止容膝空為  
大國憂紛說諒非一安得掃蓬逕鎖吾愁與疾

秋夜

秋夜促織鳴南鄰搗衣急思君隔九重夜夜空佇立北  
牕輕幔垂西戶月光入何知白露下坐視階前濕誰能  
長分居秋盡冬復及

和王著作融八公山

二別阻漢坻雙嶠望河澳茲嶺復嶺分區奠淮服東

限瑯琊臺西距孟諸陸阡眠起雜樹檀欒蔭修竹日隱  
澗疑空雲聚岫如複出沒眺樓雉遠近送春目戎州昔  
亂華素景淪伊穀阨危賴宗袞微管寄明牧長蛇固能  
剪奔鯨自此曝道峻芳塵流業遙年運倏平生仰令圖  
吁嗟命不淑浩蕩別親知聯翩戒征軸再遠館娃宮兩  
去河陽谷風煙四時犯霜雨朝夜沐春秀良已凋秋場  
庶能築

遠近送春目

此神到語

和伏武昌登孫權故城

伏曼容為武昌太守

炎靈遺劔璽當塗駭龍戰聖期缺中壤霸功興寓縣鵲  
起登吳山鳳翔凌楚甸衿帶窮巖險帷帟

音亦

盡謀選北

拒溺驂鑣西龕收組練江海既無波俯仰流英眄裴冕  
類禋郊卜揆崇離殿釣臺臨講閱樊山開廣讌文物共  
歲蕤聲名且葱蒨三光厭分景書軌欲同薦參差世紀  
忽寂寞市朝變舞館識餘基歌梁想遺囀故林衰木平  
荒池秋草徧雄圖悵若茲茂宰深遐睠幽客滯江臯從

賞乖纓弁清卮阻獻酬良書限聞見幸藉芳音多承風  
采餘絢于役倘有期鄂渚同遊衍

謝眺詩所謂朝華方晷夕  
秀已殞獨此作為收全力

### 新治北牕和何從事

國小暇日多民淳紛務屏闢牖期清曠開簾候風景決  
決日照溪團團雲去嶺岵堯蘭橈峻駢闐石路整池北  
樹如浮竹外山猶影自來彌弦望及君臨箕頽清文蔚  
且詠微言超已領不見城壕側思君朝夕頃迴舟方在

辰何以慰延頸

和王主簿李哲怨情

掖庭聘絕國長門失歡宴相逢詠薜蘿辭寵悲團扇花  
叢亂數蝶風簾入雙燕徒使春帶賒坐惜紅粧變生平  
一顧重宿昔千金賤故人心尚爾故人不見

藥氣芳聲自是閨中  
本色末語巧而麗

和徐都曹出新亭渚

宛洛佳遨遊春色滿皇州結軫青郊路迴瞰蒼江流日

華川上動風光草際浮桃李成蹊徑桑榆蔭道周東都  
已假載言歸望綠疇

和劉中書

昔余侍君子歷此遊荆漢山川隔舊賞朋僚多雨散圖  
南矯風翮曾非息短翰移疾覲新篇披衣起淵翫惆悵  
懷昔踐彷彿得殊觀頽紫共彬駁雲錦相凌亂奔星上  
未窮驚雷下將半迴潮漬崩樹輪囷軋傾岸巖篠或傍  
翻石菌蕪修幹澄澄明浦媚衍衍清風爛江潭良在目

懷賢興累歎歲暮不我期淹留絕巖畔

衍衍清風爛語最色韶  
騷稱光風此言風爛

和劉西曹望海臺

滄波不可望望極與天平  
往往孤山映處處春雲生  
差池遠鴈沒颯沓羣鳬驚  
囂塵及薄領棄捨出重城  
臨川徒可羨結網庶時營

處處春雲生適然佳句然謂春雲  
則可謂秋雲則不可所以為佳

和蕭中庶直石頭



九河亘積岨三爰鬱旁眺皇州總地德回江歎巖徼井  
幹艷蒼林雲薨蔽層嶠川霞旦上薄山光晚餘照翔集  
亂歸飛虹蜺紛引曜君子奉神畧瞰迴憑重峭彈冠已  
籍甚升車益英妙功存漢冊書榮並周庭燎汲疾移偃  
息董園倚談笑麾旆一悠悠謙姿光且劭讌嘉多暇日  
興文起淵調曰余廁鱗羽滅影從漁釣澤渥資投分逢  
迎典待詔詠沼邈含毫專城空坐嘯徒慚皇鑒揆終延  
曲士諄方追隱淪訣偶解金丹要若偶巫咸招帝閤良

可叫

臨溪送別

悵望南浦時徙倚北梁步葉上涼風初日隱輕霞暮荒  
城迴易陰秋溪廣難渡沫泣豈徒然君子行多露

與江水曹至干濱戲

山中上芳月故人清樽賞遠山翠百重迴流映千丈花  
枝聚如雪蕪絲散猶網別後能相思何嗟異封壤

琵琶

抱月如可明懷風殊復清絲中傳意緒花裏寄春情掩  
抑有奇態悽斜多好聲芳袖幸時拂龍門空自生

語帶

香氣

詠慢

幸得與珠綴幕塵君之楹月映不辭卷風來輒自輕每  
聚金鑪氣時駐玉琴聲但願置尊酒蘭缸當夜明

鏡臺

玲瓏類丹檻苔亭似玄闕對鳳懸清水垂龍挂明月照

粉拂紅粧插花理雲髮玉顏徒自見常畏君情歇

還塗臨渚

綠水纈清波青山繡芳質落景皎晚陰殘花綺餘日

何從

事

白沙澹無際青山眇如一傷此物運移惆悵望還律

吳郎

白水田外明孤嶺松上出即趣佳可淹淹留非下秩

府君

遙和

往敬亭路中

山中芳杜綠江南蓮葉紫芳年不共遊淹留空若是

府君

綠水豐漣漪青山多繡綺新條日向抽落花紛已委

何從

事弱蔓既青翠輕莎方霍靡鷺鷥沒而遊庸麋騰復倚

齊舉郎春岸望沈沈清流見瀾瀾幸藉人外遊盤桓未能

徙陳郎驚柰把瓊芳隨山訪靈詭榮楯每嶙峋林堂多碕

礪府君

### 樂府

#### 同王主簿有所思

佳期期未歸望望下鳴機徘徊東陌上月出行人稀

銅雀悲

落日高城上餘光入總帷  
寂寂深松晚寧知琴瑟悲

玉階怨

夕殿下珠簾流螢飛復息  
長夜縫羅衣思君此何極

金谷聚

渠碗送佳人玉杯邀上客  
車馬一東西別後思今夕

情紛萬緒

語足千言

王孫遊

綠草蔓如絲雜樹紅英發無論君不歸君歸芳已歇

有所思銅雀悲玉階怨金谷聚王  
孫遊等什骨有微峭情有餘思

劉繪

字士章彭城人雅麗有風則初為齊高帝行參軍  
歷位中書郎竟陵王開西邸繪為後進領袖梁武  
起兵朝廷以繪持節督四州軍事東昏殞城內遣  
繪及范雲送首詣梁王轉大司馬從事中郎卒

## 樂府

### 有所思

別離安可再而我更重之佳人不相見明月空在帷共  
御滿堂酌獨斂向隅眉中心亂如雪寧知有所思

張融

字思光吳郡人初仕宋為新安王參軍出為封溪令改為儀曹郎齊高帝即位累遷司徒兼右長史

建武四

年卒

詩

別詩

白雲山上盡清風松下歇欲識離人悲孤臺見明月

孔稚珪

字德璋會稽山陰人少博涉有美譽高帝為驃騎取為記室參軍建武初遷冠軍將軍遷太子

詹事散騎常侍辛稚珪風韻清疎好文詠與外兄張融情趣相得居宅盛營山水憑几獨酌傍無雜事門

庭之內草

茅不剪



詩

旦發青林

孤征越清江遊子悲路長二旬倏已滿三千眇未央草

雜今古色巖留冬夏霜寄懷中山舊舉酒莫相忘

五六絕似唐音然唐人無此安頓自在六朝氣韵高迴故不琢而工不飾而麗唐人專求物象所以去之愈遠

陸厥

字韓卿吳郡人慧晚仲孫也少有風槩好屬文五言詩體甚新州舉秀才少傳主簿遷行參軍永元

元年始安王反厥父閑被誅感慟而卒

樂府

臨江王節士歌

木葉下江波連秋月照浦雲歇山秋思不可裁復帶秋  
風來秋風來已寒白露驚羅紈節士慷慨髮衝冠彎弓  
掛若木長劍竦雲端

美人麗情壯士猛氣秋風來已  
寒白露驚羅紈此語何與壯士

釋寶月

樂府

## 估客樂

齊武帝布衣時嘗遊樊鄧登阼以後追憶往事作  
估客樂使寶月奏之管絃月又上此二曲

郎作十里行儂作九里送拔儂頭上釵與郎資路用  
有信數寄書無信心相憶莫作瓶落井一去無消息

## 同前

大編珂我頭何處發揚州借問編上郎見儂所歡不  
初發揚州時船出平津泊五兩如竹林何處相尋博

## 清商曲辭

楊叛兒

唐書樂志曰楊叛兒本童謠歌也齊隆昌時女巫之子曰楊旻少時隨母入內及長為何后寵童謠云楊婆兒共戲來所歡語訖遂成楊叛兒古今樂錄曰楊叛兒送聲云叛兒教儂不復相思

暫出白門前楊柳可藏烏歡作沈水香儂作博山鑪

俚情  
妙喻

送郎乘艇子不作遭風慮橫篙擲去槳願倒逐流去

歡欲見蓮時移湖安屋裏芙蓉繞牀生眠卧抱蓮子

是情  
痴語

雜歌謠辭

蘇小小歌

一曰錢塘蘇小小歌樂府廣詩曰蘇小小錢塘名倡也蓋南齊時人西陵在錢塘江之西歌云西陵松栢下是也

妾乘油壁車郎騎青驄馬何處結同心西陵松栢下

古詩鏡卷十六

欽定四庫全書

古詩鏡卷十七

明 陸時雍 編

梁第一

梁詩妖艷聲近於淫靚妝艷  
抹巧笑嬌啼舉止向人膏致

武帝

姓蕭氏諱衍字叔達初仕齊累遷隨王鎮西  
諮議參軍後討東昏而自立四傳五十五年

武帝素而妍鉛粉不施風華坐振若  
簡文者所謂一面紅妝慙教人也

樂府

芳樹

綠樹始搖芳芳生非一葉一葉度春風芳華自相接雜  
色亂參差衆花紛重疊重疊不可思思此誰能愜

纖語

西洲曲

憶梅下西洲折梅寄江北單衫杏子紅雙鬢鴉雛色西洲在何  
處兩槳橋頭渡日暮伯勞飛風吹烏桕樹樹下即門前門中露翠  
鈿開門郎不至出門採紅蓮採蓮南塘秋蓮花過人頭低頭弄



蓮子蓮子青如水置蓮懷袖中蓮心徹底紅憶郎郎不至仰首望  
飛鴻鴻飛滿西洲望郎上青樓樓高望不見盡日欄干頭欄干  
十二曲垂手明如玉卷簾天自高海水搖空綠海水夢悠悠君  
愁我亦愁南風知我意吹夢到西洲

老秀清如冰壺艷如紅  
玉非梁武不能辦此

擬青青河畔草

翼翼繡戶絲悠悠懷昔期昔期久不歸鄉國曠音徽音  
微空結遲半寢覺如至既寤了無形與君隔平生月以

雲掩光葉以霜摧老當途競自容莫肯為妾道

秀色清音 音微空結遲半寢覺如至既寤了無  
形與君隔平生了無帶色月以雲掩光葉以霜摧  
老當途競自容莫肯  
為妾道蒼然入雅

擬明月照高樓

圓魄當虛闥清光流思延延思對孤影悽怨還自憐臺  
鏡早生塵匣琴又無絃悲慕屢傷節離憂亟華年君如  
東扶景妾似西柳煙相去既路迴明晦亦殊懸願為銅  
鐵轡以感長樂前

顧為銅鐵轡以感長樂前  
取其能鳴中有無限情緒

詩

登北顧樓

梁史武帝大同十年三月幸  
京口城登北固樓更名北顧

歇駕止行警迴輿暫遊識清道巡丘壑緩步肆登陟鴈  
行上差池羊腸轉相逼歷覽窮天步曠矚盡地域南城  
連地險北顧臨水側深潭下無底高岸長不測舊嶼石  
岩構新洲花如織

籍田

寅賓始出日律中方星鳥千畝土膏紫萬頃陂色縹嚴  
駕佇霞昕浥露逗光曉啟行天猶暗伐鼓地未悄蒼龍  
發蟠蜿青旗引窈窕仁化洽孩蟲德令禁胎夭耕籍乘  
月映遺滯指秋杪年豐庶讓多歲薄禮節少公卿秉耒  
耜庶氓荷鋤耰一人慙百王三推先億兆

擣衣

駕言易水北送別河之陽沈思慘行鑣結夢在空牀既

寤丹綠謬始知紈素傷中州木葉下邊城應早霜陰蟲  
日慘烈庭草復芸黃金風徂清夜明月懸洞房嬋嬋同  
宮女助我理衣裳參差夕杵引哀怨秋砧揚輕羅飛玉  
腕弱袖低紅粧朱顏日已興盼睇色增光擣以一匪石  
文成雙鴛鴦制握斷金刀薰用如蘭芳佳期久不歸持  
此寄寒鄉妾身誰與容思君苦入腸

讀五言詩絕愛  
其清響絕出

織婦

送別出南軒離思沈幽室調梭輟寒夜鳴機罷秋日良  
人在萬里誰與共成匹願得一迴光照此憂與疾君情  
倘未忘妾心長自畢

七夕

白露月下團秋風枝上鮮瑤臺含碧霧羅幕生紫煙妙  
會非綺節佳期乃涼年玉壺承夜急蘭膏依曉煎昔悲  
漢難越今傷河易旋怨咽雙念斷悽悼兩情懸

吐氣  
芬馥

紫蘭始萌

種蘭玉臺下氣暖蘭始萌  
芬芳與時發婉轉迎節生  
獨使金翠嬌偏動紅綺情  
二遊何足懷一顧非傾城  
羞將苓芝侶豈畏鶻鳩鳴

樂府

白紵辭二首

朱綵玉柱羅象筵飛琯促節舞少年  
短歌流目未肯前  
含笑一轉私自憐

纖腰嫋嫋不任衣嬌怨獨立特為誰赴曲君前未忍歸  
上聲急調中心飛

含情緘緒嬌嬀不勝簡文相看意氣望君憐誰能  
含羞不自前何其類墮女兒子會須亦有志氣

### 河中之水歌

河中之水向東流洛陽女兒名莫愁莫愁十三能織綺  
十四採桑南陌頭十五嫁為盧家婦十六生兒字阿侯  
盧家蘭室桂為梁中有鬱金蘇合香頭上金釵十二行  
足下絲履五文章珊瑚掛鏡爛生光平頭奴子擎履箱



人生富貴何所望恨不早嫁東家王

河中之水東飛伯勞二歌風騷搖蕩伯勞歌更自宛轉流麗當與燕歌行相峙

東飛伯勞歌

東飛伯勞西飛燕黃姑織女時相見誰家兒女對門居  
開顏發豔照里閭南窻北牖挂明光羅帷綺帳脂粉香  
女兒年幾十五六窈窕無雙顏如玉三春已暮花從風  
空留可憐誰與同

旋轉撒  
拔如風

江南弄 七曲

古今樂錄曰梁天監十一年冬武帝改西曲製江南上雲樂十四曲江南弄七曲一曰江南弄二曰龍笛曲三曰採蓮曲四曰鳳笙曲五曰採芡曲六曰遊女曲七曰朝雲曲又沈約作四曲一曰趙瑟曲二曰秦箏曲三曰陽春曲四曰朝雲曲亦謂之江南弄云

江南弄

和云陽春路娉婷出綺羅

衆花雜色滿上林舒芳耀綠垂輕陰連手躑躅舞春心  
舞春心臨歲腴中人望獨踟躕

龍笛曲

和云江南音一唱值千金

美人綿眇在雲堂雕金鏤竹眠玉牀  
婉愛寥亮繞虹梁繞虹梁流月臺駐狂風鬱徘徊

採蓮曲

和云採蓮渚窈窕舞佳人

遊戲五湖採蓮歸發花田葉芳襲衣為君艷歌世所希  
世所希有如玉江南弄採蓮曲

鳳笙曲

和云弦吹席長袖善留客

綠耀尅碧彫琯笙朱唇玉指學鳳鳴  
流速參差飛且停  
飛且停在鳳樓弄嬌響間清謳

採菱曲

和云菱歌女解佩戲江陽

江南稚女珠腕繩金翠搖首紅顏興  
桂棹容與歌採菱  
歌採菱心未怡翳羅袖望所思

遊女曲

和云當年少歌舞承歡笑

氛氲蘭麝體芳滑容色玉耀眉如月珠佩嫋嫋戲金闕  
戲金闕遊紫庭舞飛閣歌長生

朝雲曲

和云徙倚折瑤華

張樂陽臺歌上謁如寢如興芳晻曖容光既豔復還沒  
復還沒望不來巫山高心徘徊

江南七弄音節頌蹈聲響激越所謂妖艷之音  
音節亦詩中一事四言則致婉五言則意直七言  
則情暢如江南  
弄則搖蕩極矣

上雲樂

七曲

古今樂錄曰上雲樂七曲梁武帝製以代西曲一  
曰鳳臺二曰桐柏三曰方丈四曰方諸五曰玉龜  
六曰金丹  
七曰金陵

鳳臺曲

和云上雲真樂萬春

鳳臺上兩悠悠雲之際神光朝天極華盖遏延州羽衣

昱耀春吹去復留

桐柏曲

和云可憐真人遊

桐柏真昇帝賓戲伊谷遊洛濱參差列鳳管容與起梁塵望不可至徘徊謝時人

方丈曲

方丈上峻層雲挹八玉御三雲金書發幽會碧簡吐玄門至道虛凝冥然共所遵

方諸曲

和云方諸上可憐歡樂長相思

方諸上上雲人業守仁  
擬金集瑤池步光禮玉晨霞蓋  
容長肅清虛伍列真

玉龜曲

和云可憐遊戲來

玉龜山真長仙九光曜五雲生  
交帶要分影大華冠晨  
纓者如玄羅出入遊太清



金丹曲

和云金丹會可憐乘白雲

紫霜耀絳雪飛追以還轉復飛九真道方微千年不傳  
一傳裔雲衣

金陵曲

句曲仙長樂遊洞天巡會跡六門揖玉板登金門鳳泉  
迴肆鷺羽降尋雲鷺羽一流芳芬鬱氛氲

此曲不叶於歌不登於雅清音遠  
韻世外奇賞絕不類步虛詞所為

詩

逸民

如壑生木木有異心如林鳴鳥鳥有殊音如江遊魚魚  
有浮沈巖巖山高湛湛水深事迹易見理相難尋

如頌語不  
入詩格

樂府

邯鄲歌

回顧灞陵上北指邯鄲道短衣妾不傷南山為君老

短衣妾不傷南山為君  
老是歌舞時意氣所為

子夜歌二首

恃愛如欲進含羞未肯前  
朱口發艷歌玉指弄嬌絃  
朝日照綺窗光風動紈羅  
巧笑倩兩脣美目揚雙蛾

峭骨  
亮音

子夜四時歌

春歌

階上香入懷庭中花照眼  
春心一如此情來不可限

標格  
老

朱日光素冰黃花映白雪折梅寄佳人共迎陽春月

似口含

鷄舌語

夏歌

江南蓮花開紅光照碧水色同心復同藕異心無異  
玉盤貯朱李金杯盛白酒雖欲持自親復恐不甘口  
含桃落花日黃鳥營飛時君住馬已疲妾去蠶欲餓

君住馬已疲妾去蠶欲餓  
餓似尚有流連情態

秋歌

繡帶合歡結錦衣連理文懷情入夜月含笑出朝雲

含吐芬芳  
風華振絕

七采紫金柱九華白玉梁但歌雲不去含吐有餘香  
吹漏未可停絃斷更當續俱作雙絲引共奏同心曲

冬歌

寒閨動散帳宓蓬重錦席賣眼拂長袖含笑留上客  
果欲結金蘭但看松柏林經霜不墮地歲寒無異心

一年漏將盡萬里人未歸君志固有在妾軀乃無依

平平兩語  
蓄結如囊

歡聞歌

艷艷金樓女心如玉池蓮持底報郎恩俱期遊梵天

感極

碧玉歌

杏梁日始照蕙席歡未極碧玉奉金杯綠酒助花色

嬌麗

# 襄陽白銅鞮歌

隋書樂志曰梁武帝之在雍鎮有童謠云襄陽白銅蹄反縛揚州兒識者言曰白銅蹄謂金蹄為馬也白金色也及義師之興實以鐵騎揚州之士皆面縛果如謠言故即位之後更造新聲帝自為之詞三曲又令沈約為三曲以被管絃古今樂錄曰襄陽蹋銅鞮者梁武西下所製也沈約又作其和云襄陽白銅蹄聖德應乾來

陌頭征人去  
閨中女下機  
含情不能言  
送別沾羅衣  
草樹非一香  
花葉百種色  
寄語故情人  
知我心相憶

語如面命只四語何所不盡

詩

詠舞

腕弱復低舉身輕由迴縱可謂寫自歡方與心期共

附有所思語致猥屑誰言生離久適意與君別衣  
上芳猶在握裏書未減腰間雙綺帶夢為同心結常  
恐所思露瑤華未忍折附雅臺無他異致語色  
滴滴欲翠日落登雅臺佳人珠未來綺窻蓮花掩  
網戶琉璃開丰茸臨紫桂蔓延交  
青苔月沒光陰盡望子獨悠哉

古詩鏡卷十七



欽定四庫全書

古詩鏡卷十八

明 陸時雍 編

梁第二

簡文帝

諱綱字世繼武帝第三子也六歲能屬文讀書十行俱下辭藻麗發雅好賦詩無文傷輕靡時

號宮體初封晉安王雲麾將軍丹陽尹歷克荆南徐雍益五州刺史昭明太子薨立為皇太子及嗣位之

後侯景制命

期年遇弒

簡文詩絕無氣格纖詞縟語堆疊成篇則流於輕靡之習矣以南面之尊效閭閻之體以是知此位之不終

樂府

泛舟橫大江三首

魏文帝飲馬長城窟行曰  
泛舟橫大江討彼犯荆虜

滄波白日暉遊子出王畿  
旁望重山轉前觀遠帆稀  
廣水浮雲吹江風引夜衣  
旅鴈同洲宿寒鳧夾浦飛  
行客誰多病當念早旋歸

隴西四戰地羽檄歲時聞  
護羌擁漢節校尉立元勳  
石門留鐵騎冰城息夜軍  
洗兵逢驟雨送陣出黃雲  
沙長

無止泊水脉屢縈分當思勒彞鼎無用想羅裙

悠悠懸旆旌知向隴西行減竈驅前馬銜枚進後兵沙  
飛朝似幕雲起夜疑城迴山時阻路絕水巫稽程往年  
邳支服今歲單于平方歡凱歌盛飛蓋滿西京

中多夾句  
欲開唐律

美女篇

佳麗盡闕情風流最有名約黃能效月裁金巧作星粉  
光勝玉靚衫薄擬蟬輕容態隨流臉嬌歌逐軟聲朱顏

半已醉微笑隱香屏

微笑隱香屏一語最有情色

紫駟馬

賤妾朝下機正值良人歸青絲懸玉鐙朱汗染香衣驟  
急珂彌響跡多塵亂飛彫菰幸可薦故心君莫遠

當置酒

置酒宴嘉賓矚迴臨飛觀絕嶺隔天餘長嶼橫江半日  
色花上綺風光水中亂三益既葳蕤四始方蔥蒨

艷歌曲

雲楣桂成戶飛棟杏為梁斜窻通葢氣細隙引塵光裁  
衣魏后尺汲水淮南牀青驪暮當返預使羅裙香

斜窻通葢氣細隙引塵光果  
是艷情語末二句意語猥媒

採蓮曲

晚日照空磯採蓮承晚暉風起湖難度蓮多摘未稀棹  
動芙蓉落船移白鷺飛荷絲傍繞腕菱角遠牽衣

棹動芙蓉落  
淺淺景趣

龍丘引

龍丘一回首楚路蒼無極水照弄珠影雲吐陽臺色浦  
狹村煙度洲長歸鳥息遊蕩逐春心空憐無羽翼

浦狹村煙度洲長歸鳥息有好景色  
韻氣未饒使武帝為之當不爾耳

雍州曲

南湖

南湖荇葉浮復有佳期遊銀綸翡翠鈎玉軸芙蓉舟荷  
香亂衣麝橈聲隨急流

詩

上巳侍宴林光殿曲水

芳年留帝賞，應物動天襟。  
挾苑連金陣，分衢度羽林。  
帷宮對廣液，層殿邇高岑。  
風旗爭曳影，亭午共生陰。  
林花初墮蒂，池荷欲吐心。

三四句韻

出擬金

登城

日影半東簷，靖念空杼柚。  
小堂倦縹書，華池厭修竹。  
寂

冥既寡悰登城望原陸遙山半吐雲巖飈時響谷靡靡  
見虛煙森森視寒木落霞乍續斷晚浪時迴復遠矚既  
濡翰徒自勞心目短歌雖可裁緣情非霧縠

山池

日暮芙蓉水聊登鳴鶴舟飛艫飾羽眊長幔覆緹油停  
輿依柳息住蓋映空留古樹橫臨沼新藤上挂樓魚遊  
向閣集戲鳥逗楂流

戲鳥逗楂流一語最覺物情  
間遠然戲字似著意持下



往虎窟山寺

塵中喧慮積物外衆情捐茲地信爽壇墟壘暖阡綿藹  
藹車徒邁飄飄旌旆懸細松斜遶逕峻嶺半藏天古樹  
無枝葉荒郊多野煙分花出黃鳥挂石下新泉蒼鬱均  
雙樹清虛類八禪栖神紫臺上縱意白雲邊徒然嗟小  
藥何由齊大年

分花出黃鳥挂石下新泉語媚淨可愛更妙想入  
微鳥出花中泉懸石抄分挂二字下得佳甚唐人  
安得此

意象

望同泰寺浮圖

遙看官佛圖帶壁復垂珠燭銀踰漢汝寶鐸邁昆吾日  
起光芒散風吟宮徵殊露落盤恒滿桐生鳳不雛飛幡  
雜晚虹

音絳

畫鳥狎晨鳧梵世凌空下應真蔽景趨帝馬

咸千轡天衣盡六銖意樂開長表多寶現金軀能令苦  
海渡復使慢山踰願能同四忍長當出九居

穆天子傳  
天子之寶

璿珠燭銀郭璞曰  
銀有精光如燭也

飛幡雜晚虹畫鳥狎晨鳧觀宇虛  
涼景汎桐生鳳不雛下語持巧

遊光宅寺詩應令

陪遊入舊豐雲氣鬱青葱紫陌垂青柳輕槐拂慧風八  
泉光綺樹四柱暖臨空翠網隨煙碧丹花共日紅方欣  
大雲溥慈波流淨宮

詠內人晝眠

北窓聊就枕南簷日未斜攀鉤落綺障插撥舉琵琶夢  
笑開嬌靨眠鬟壓落花簾文生玉腕香汗浸紅紗夫壻  
恒相伴莫誤是倡家

香汗浸紅紗韻  
勝故得不俗

傷美人

昔聞倡女別蕩子無歸期今似陳王歎流風難重思  
翠帶留餘結苔階沒故綦圖形更非是夢見反成疑  
熏鑪含好氣庭樹吐花滋香燒日有歇花落無還時

宮體輕靡却與綺羅相近詩中數語自是嬌情悴  
緒翠帶留餘結苔階沒故綦香燒日有歇花落無  
還時語  
何輕脆

戲作謝惠連體十三韻

雜蕊映南庭庭中光景媚可憐枝上花早得春風意春  
風復有情拂幔且開楹盈盈開碧煙拂幔復垂蓮偏使  
紅花散飄揚落眼前眼前多無況參差鬱相望珠繩翡  
翠帷綺幕芙蓉帳香煙出窻裏落日斜階上日影去遲  
遲節華咸在茲桃花紅若點柳葉亂如絲絲條轉暮光影  
落暮陰長春燕雙雙舞春心處處揚酒滿心聊足萱枝  
愁不忘

語特脫嫩藥氣盈盈 桃花紅若點柳葉亂如絲  
當是愁緒中語春燕雙雙舞春心處處揚輕輕逗

露風味自成

唐人無此

### 晚春

紫蘭葉初滿黃鶯弄不稀  
石蹲還似獸蘿長更如衣  
水曲文魚聚林暝鴉鳥飛  
渚蒲變新節巖桐長舊圍  
風花落未已山齋開夜扉

詩之借況不惟景色酷肖亦須風味得佳石蹲還似獸蘿長更如衣此語大為蘿石生色如以火象螢死而無味何所取也巖桐長舊圍此語脫口最便

### 和湘東王首夏

冷風雜細雨垂雲助麥涼  
竹水俱蔥翠花蝶兩飛翔  
燕泥銜復落鷓吟斂更揚  
卧石藤為纜山橋樹作梁  
欲待華池上明月吐清光

卧石二語荒蹊小徑結  
搆自成覺淺淺得趣

### 納涼

斜日晚駸駸池塘生半陰  
避暑高梧側輕風時入襟  
落花還就影驚蟬乍失林  
遊魚吹水沫神蔡上荷心  
翠竹垂秋采丹棗映疎砧  
無勞夜遊曲寄此託微吟

遊魚吹水沫神蔡  
上荷心是神境語

晚景納涼

日移涼氣散懷抱信悠哉珠簾映空捲桂戶向池開  
鳥棲星欲見河淨月應來橫階入細笋蔽地濕輕苔  
草化飛為火蚊聲合似雷於茲靜聞見自此歇氛埃

初秋

羽翼晨猶動珠汗晝恒揮秋風忽嫋嫋向夕引涼歸  
浮陰即染浪清氣始乘衣卷幌通河色開牕引月輝  
晚花



欄下照疎螢，簾上飛直置。猶如此，何況送將歸。

卷幌通河色，閒牕引月輝。又秋夜輕露沾縣井，浮煙入綺寮。俱入唐調，登城北望。一水斜開岸，雙城遙拱雲。又綠潭倒雲，氣青山銜月，規亦佳。

晚景出行

細樹含殘影，春閨散晚香。輕花髮邊墮，微汗粉中光。飛鳬初罷曲，啼鳥忽度行。羞令白日暮，車騎鬱相望。

三四語有風韻，善賦物者不必奇情怪句。只要氣韻得佳，然此却最難能處。

晚日後堂

金定巳下人三  
卷十  
慢陰通碧砌日影度城隅岸柳垂長葉  
牕桃落細跗花  
留蛺蝶粉竹翳蜻蜓珠賞心無與共  
染翰獨踟蹰

窗桃落細跗寫得物情閒靜

人意淹綿五六語色青翠

### 春日

年還樂應滿春歸思復生  
桃含可憐紫柳發斷腸青  
落花隨燕入遊絲帶蝶驚  
邯鄲歌管地見許欲留情

### 春宵

花樹含春叢羅帳夜長空  
風聲隨篠韻月色與池同  
綠

牋徒自擘無信往雲中

風聲隨篠韻月色與池同此在秋夜更宜

蓮舟買荷度

採蓮前岸隈舟子屢徘徊荷披衣可識風疎香不來欲知船度處當看荷葉開

荷披衣可識風疎香不來謂荷能隱人故有此語余欲更之云披衣可識風荷疎香不來意似轉勝

詠柳

垂陰滿上路結草早知春花絮時隨鳥風枝屢拂塵欲

散依依采時要歌吹人

花絮時隨鳥風枝  
屢拂塵語饒風味

樂府

烏棲曲四首

芙蓉作船絲作紉北斗橫天月將落採蓮渡頭擬黃河  
郎今欲渡畏風波

浮雲似帳月如鉤那能夜夜南陌頭宜城投泊今行熟  
停鞍繫馬暫棲宿

青牛丹轂七香車可憐今夜宿倡家  
倡家高樹烏欲棲  
羅帷翠帳向君低

織成屏風金屈膝朱脣玉面燈前出  
相看氣息望君憐  
誰能含羞不自前

梁人七言如花叢竹苞輪囷未暢故多句自為意  
此體猶襲燕歌行祗是裁為短調不與唐人絕句  
同也 烏栖曲宛轉深至唐人所無唐人虛摸六  
朝實寫 芙蓉作船絲作絳是可渡也北斗橫天  
月將落時已過也采蓮渡頭擬黃河郎今欲渡畏  
風波怪不至也浮雲如帳月如鉤擬所思也那能  
夜夜南陌頭歎失處也宜城投泊今行熟停鞍繫  
馬暫栖宿所為彷徨而無已也 羅幃翠帳向君

卷十  
低低字最有情不覺喜氣孜孜令人嬋娜相看  
意氣望君憐誰能含羞不自前到此覺一身多盡

### 東飛伯勞歌

西飛迷雀東羈雉倡樓秦女乍相值誰家妖麗隣中止  
輕妝薄粉光閨里網戶珠綴曲瓊鉤芳茵翠被香氣流  
少年年幾方三六含嬌聚態傾人目餘香落蘂坐相催  
可憐絕世為誰媒

餘香落蘂坐相催可憐絕世誰為媒語亦愴  
然餘芳落蘂言之令人損色此處自當回護

### 江南弄

江南曲

和云陽春路時使佳人度

枝中水上春併歸長楊掃地桃花飛清風吹人光照衣  
光照衣景將夕擲黃金留上客

採蓮曲

和云採蓮歸淥水好沾衣

桂檝蘭橈浮碧水江花玉面兩相似蓮疎藕折香風起  
香風起白日低採蓮曲使君迷

江南曲清風吹人光照衣採蓮  
曲蓮疎藕折香風起語最香美

詩

倡樓怨節

朝日斜來照戶春鳥爭飛出林片光片影皆麗一聲一  
轉煎心上林紛紛花落淇水漠漠苔浮年馳節流易盡  
何為忍憶含羞

語多哀音  
妖甚蕩甚

春情



蝶黃花紫燕相追楊低柳合露塵飛已見垂鈎挂綠樹  
誠知淇水沾羅衣兩童夾車問不已五馬城南猶未歸  
鶯啼春欲駛無為空掩扉

兩童夾車問不已五馬城南猶未歸其言如蜂狂  
蝶亂爭為春忙此梁詩所謂蕩而淫也情至不  
忍復能

和蕭侍中子顯春別四首

別觀葡萄帶實垂江南豈寇生連枝無情無意猶如此  
有心有恨徒別離

可憐淮水去來潮  
春堤楊柳拂河橋  
淚痕未燥詎終朝  
行聞玉佩已相要

桃紅李白若朝粧  
羞持顚顚比新芳  
不惜暫住君前死  
愁無西國更生香

蜘蛛作絲滿帳中  
芳草結葉當行路  
紅臉脉脉一生啼  
黃鳥飛飛有時度  
故人雖故昔經新  
新人雖新復應故

不惜暫住君前死  
愁無西國更生香  
總是妖情媚態

樂府

有所思

可歎不可思  
可思不可見  
餘絃斷瑟柱  
殘朱染歌扇

末句  
脆美

寂寂暮檐響黯黯垂簾色  
唯有瓠甌苔如見蜘蛛織

採菱曲

菱花落復含  
桑女罷新蠶  
桂棹浮星艇  
徘徊蓮葉南

夜夜曲

愁人夜獨傷  
滅燭卧蘭房  
祇恐多情月  
旋來照妾牀

嗔風怕月厭烏憎花自是愁人一種情  
思謂月多情其寂寞無賴何可語道

春江曲

客行祗念路相爭度京口誰知堤上人拭淚空揺手

客路情長閨中  
氣短此詩道盡

詩

愁閨照鏡

別來顚顚久他人怪容色只有匣中鏡還持自相識

金閨思

遊子久不返妾身當何依日移孤影動羞覩燕雙飛

寒閨

綠葉朝朝黃紅顏日日異譬喻持相比那堪不愁思

從頓還城南

暫別兩成疑開簾生舊憶都知未有情更似新相識

夜遣內人還後舟

錦慢扶船列蘭橈拂浪浮去燭猶文水餘香尚滿舟

行雨

本是巫山來無人覩容色唯有楚王臣曾言夢相識

溜亮

詠雲

浮雲舒五色瑪瑙應霜天玉葉散秋影金風飄紫煙

清綺

詠疏楓

菱綠映葭青疏紅分浪白花葉灑行舟仍持送遠客

附詠  
蛺蝶云翠鬢藏高柳紅蓮拂水衣詠螢火騰空  
類星隕拂樹若花生屏疑神火照簾似夜珠明俚而

無味大抵神妙形穢離神擬形自當得  
穢故知人之情知物之情者方可言詩

附聞雞玉冠初警  
敵芥羽忽猜儔

謝朓詩帶綺羅氣態梁陳蓋男  
女情多世衰道喪良有所自

古詩鏡卷十八



欽定四庫全書

古詩鏡卷十九

明 陸時雍 編

梁第三

元帝

諱繹字世誠武帝第七子也初封湘東王為會稽太守人為侍中丹陽尹出為使持節都督荊州刺

史鎮西將軍侯景反逆遣王僧辯討誅之逆即位於江陵西魏見伐兵敗出降為梁王營所害

元帝輕帖近人綺色

麗情不逮簡文甚遠

樂府

巫山高

巫山高不窮，迴出荆門中。  
灘聲下濺石，猿鳴上逐風。  
樹雜山如畫，林暗澗疑空。  
無因謝神女，一為出房櫳。

得一佳句樹  
雜山如畫

折楊柳

巫山巫峽長，垂柳復垂楊。  
同心且同折，故人懷故鄉。  
山似蓮花艷，流如明月光。  
寒夜猿聲徹，遊子淚霑裳。

半路溪

相逢半路溪隔溪猶不度望望判知是翩翩識行步摘  
贈蘭澤芳欲表同心句先將動舊情恐君疑妾妬

詩

和王僧辯從軍

寶劒飾龍淵長虹畫彩旃山虛和鏡管水淨寫樓船連  
雞隨火度燧象帶烽然洞庭晚風急瀟湘夜月圓荀令  
多文藻臨戎賦雅篇

山虛和鏡管水淨  
寫樓船句琢而韻

別荊州吏民

玉節居分陝金貂總上流  
麾軍時舉扇作賦且登樓  
年光徧原隰春色滿汀洲  
日華三翼舸風轉七星旂  
向解青絲纜將移丹桂舟

起四語典  
則美麗

賦得竹

嶰谷管新抽淇園節復修  
作龍還筍水為馬向并州  
柯亭臨絕澗桃枝夾細流  
冠學芙蓉勢花堪威鳳遊  
邛王

若有獻張騫應拜侯

作龍冠學兩聯寫得生  
韻流動不徒典故為佳

登江州百花亭懷荆楚

極目纔千里何由望楚津  
落花灑行路垂楊拂砌塵  
柳絮飄晴雪荷珠漾水銀  
試酌新春酒遙勸陽臺人

柳絮飄晴雪荷珠漾水銀不得風雅唐杜審言梅  
花落處疑晴雪七言得此反覺韻饒以五言入古  
七言近晚其  
體自不同也

和劉上黃春日

新鶯隱葉轉新燕向牕飛柳絮時依酒梅花乍入衣玉  
珂逐風度金鞍映日暉無令春色晚獨望行人歸

柳絮時依酒梅花乍入衣覺  
情物兩佳春氣親人無限

閨怨

蕩子從遊宦思妾守房櫳塵鏡朝朝掩寒衾夜夜空若  
非新有悅何事久西東知人相憶否淚盡夢啼中

五四淺  
而不浮

祀伍相廟

石城寧足拒金陣詎能追楚關開六塞吳兵入九圍山  
水猶縈帶城池失是非空餘壽宮在日暮舞靈衣

山水猶縈帶城池失是非老氣  
撲烈語動精爽此少陵權輿

賦得蒲生我池中

池中種蒲葉葉影蔭池濱未好中宮薦行堪隱士輪為  
書聊可截匹柳復宜春瑞葉生符苑鏤碧獻周人

詠陽雲樓簷柳

楊柳非花樹依樓自覺春枝邊通粉色葉裏映紅巾帶

日交簾影因吹掃  
席塵拂簷應有意  
偏宜桃李人

楊柳非花樹  
依樓自覺春  
麗情妙語以近美人故  
也春色多韶得此居勝  
枝邊通粉色葉裏映紅  
巾  
妝襯得佳  
譬諸畫家紅樹疎林遠帶殘  
鵝數點布襯點染亦詩家之一義也

樂府

烏棲曲四首

沙棠作船桂為櫂  
夜渡江南採蓮葉  
復值西施新浣沙  
共向江干眺月華

月華似璧星如珮  
流影澄明玉堂內  
邯鄲九枝朝始成



金卮玉盃共君傾

交龍成錦鬪鳳紋芙蓉為帶石榴裙  
日下城南兩相望  
月沒參橫掩羅帳

七彩隋珠九華玉峽蝶為歌明星曲  
蘭房椒閣夜方開  
那知步步香風逐

輕款自在 音韻亦詩中一義 夫子謂鄭聲淫子  
夏與文侯論樂詳極節奏故聲成音音成樂唐人  
七絕平調雅音梁人烏栖曲聲極  
哀怨一種妖淫之氣行乎其間

詩

春別應令

昆明夜月光如練上林朝花色如霰朝花夜月動春心  
誰忍相思不相見

日暮徙倚渭橋西正見流月與雲齊若使月光無近遠  
應照離人今夜啼

後二語月色平分彼此共  
照將以自遣復以自嘲

別詩二首

別罷花枝不共攀別後書信不相關欲覓行人寄消息

依常潮水暝應還

三月桃花合面脂五月新油好煎澤莫復臨時不寄人  
漫道江中無估客

和彈箏人

瓊柱動金絲秦聲發趙曲流徵含陽春美手過如玉

末句

韻甚

附泛蕪湖颿隨迎

雨燕鼓逐伺潮鷄

邵陵王綸

武帝第六子也聰穎博學尤長尺牘為潁州刺史侯景構逆加征討大都督率衆討景不

死克

詩

見姬人

春來不復賒入苑  
駐行車比來粧點異  
今世撥鬟斜却扇  
承枝影舒衫受落花  
狂夫不妬妄隨意  
晚還家

却扇承枝影舒衫受落花狂夫不妬妄隨意晚還家  
形情意態宛然在目是謂描神手發天風韻

此言氣態從容神情酣睡簡文必也  
為人時誰令畏夫婿便索然無味矣

武陵王紀

字世詢一字大智武帝第八子也少勤學有  
文才屬辭不好輕華甚有骨氣天監中封武

陵郡王揚州刺史徙益州刺史侯景亂紀不赴援僭  
號於蜀改元天正明年衆潰為元帝將樊猛所殺

# 詩

## 閨妾寄征人

斂色金星聚紫悲玉筋流願君看海氣憶妾上高樓

沈約

字休文吳興武康人宋泰始中蔡興宗引為安西  
記室參軍入齊為太子家令累遷吏部郎出為東

陽太守明帝徵為五兵尚書及梁武受禪以佐命功  
除僕射歷尚書令侍中封建昌侯加特進卒謚曰隱  
沈才不逮意故情色不韻讀其詞如枯株寡秀  
詩須實際具象虛裏含神沈約病於死實

## 樂府

携手曲

捨轡下雕輅更衣奉玉牀斜簪映秋水開鏡比春粧所  
畏紅顏促君恩不可長鵲冠且容裔豈吝桂枝亡

開鏡比春粧容光如鏡故與之比最是佳句吳尚  
野貌同春日麗妝競午花燃語近於開以故不及

夜夜曲

河漢縱且橫北斗橫復直星漢空如此寧知心有憶孤  
燈暖不明寒機曉猶織零淚向誰道雞鳴徒歎息

語氣斬絕  
無復餘韻

詩

從齊武帝瑯琊城講武應詔

九功播祧墀七德陳武懸  
展事昌國圖息兵由重戰  
皇情咨閱典出車迨辰選  
飾徒映寒隰翻綏臨廣甸  
颯沓佩吳戈參差腰夏箭  
風旆舒復卷雲霞清以轉  
輕舞信徘徊前歌且遙衍  
秋原嘶代馬朱光浮楚練  
虹壑寫飛文巖阿藻餘絢  
發震嶽靈從揚旌水華變  
憑高訓武則中天起遐眷  
鳳蓋捲洪河珠旗掃長汧  
方待翠華舉遠

適瑤池宴

三日侍林光殿曲水宴應制

宴鎬鏘玉鑾遊汾舉仙輶榮光泛彩旄修風動芝蓋淑  
氣婉登晨天行聳雲旂帳殿臨春籞帷宮繞芳薈漸席  
周羽觴分墀引迴瀨穆穆玄化升濟濟皇階泰將御遺  
風軫遠侍瑤臺會

侍宴樂遊苑餞呂僧珍應詔

丹浦非樂戰負重切君臨我皇東至德忘已用堯心慙



茲區宇內魚鳥失飛沈推轂二嶠道揚旆九河陰超乘  
盡三屬選士皆百金戎車出細柳餞席遵上林命師誅  
後服授律緩前禽函輟方解帶嶢武稍披襟伐罪芒山  
曲弔民伊水潯將陪告成禮待此未抽簪

遊鍾山詩應西陽王教

五章

靈山紀地德地險資嶽靈終南表秦觀少室邇王城翠  
鳳翔淮海衿帶遶神垵北阜何其峻林薄杳蔥青

發地多奇嶺干雲非一狀合沓共隱天參差互相望鬱

崑構丹巘峻嶒起青嶂勢隨九疑高氣與三山壯

卽事既多美臨眺殊復奇南瞻儲胥觀西望昆明池  
山中咸可悅賞逐四時移春光發隴首秋風生桂枝

多值息心侶結架山之足八解鳴澗流四禪隱巖曲窈  
冥終不見蕭條無可欲所願從之遊寸心於此足

君王挺逸趣羽旆臨崇基白雲隨玉趾青霞雜桂旗淹  
留訪五藥顧步佇三芝於焉仰鑣駕歲暮以爲期

早發定山

夙齡愛遠壑晚蒞見奇山  
標峰綵虹外置嶺白雲間  
傾壁忽斜豎絕頂復孤圓  
歸海流漫漫出浦水濺濺  
野棠開未落山櫻發欲然  
忘歸屬蘭杜懷祿寄芳荃  
眷言採三秀徘徊望九仙

循役朱方道路

分繻出帝京升裝奉皇穆  
洞野屬滄溟聯郊邈河服  
日映青丘島塵起邯鄲陸  
江移林岸微巖深烟岫複  
歲嚴摧磴草午寒散嶠木  
紫蔚夕飈卷蹉跎晚雲伏  
霞志非

易從旌軀信難牧豈慕淄宮梧方辭兔園竹羈心亦何  
言迷蹤庶能復

宿東園

陳王鬪難道安仁採樵路東郊豈異昔聊可閒余步野  
徑既盤紆荒阡亦交互槿籬疎復密荆扉新且故樹頂  
鳴風颭草根積霜露驚磨去不息征鳥時相顧茅棟嘯  
愁鴟平岡走寒兔夕陰帶層阜長烟引輕素飛光忽我  
適豈止歲云暮若蒙西山藥頽齡倘能度

一首最佳語多着色便覺氣韻  
生動長烟引輕素語最疎秀

冬節後至丞相第詣世子車中作

廉公失權勢門館有虛盈貴賤猶如此況乃曲池平高  
車塵未滅珠履故餘聲賓階綠錢滿客位紫苔生誰當  
九原上鬱鬱望佳城

有意無神有聲無韻祇死語耳冬節後至丞相第  
別范安成是不乏意而苦無佳趣以神韻之未生  
也故詩不可以力求不可以  
意索有不知然而自然之妙

泛永康江

長枝萌紫葉清源泛綠苔山光浮水至春色犯寒來臨  
曉信永矣望美暖悠哉寄言幽閨妾羅袖勿空裁

犯字佳寒色威嚴

著此春光一點

別范安成

生平少年日分手易前期及爾同衰暮非復別離時勿  
言一樽酒明日難重持夢中不識路何以慰相思

初春

夾道覓陽春相將共攜手草色猶自腓林中都未有無

事逐梅花空教信楊柳且復共歸來含情寄杯酒

語色嬌淺却近  
詞家詩須得雅

### 傷春

弱草半抽黃輕條未全綠年芳被禁蘂煙花繞層曲寒  
苔卷復舒冬泉斷方續早花散凝金初露泣成玉

語入依微方  
便小法門

### 上巳華光殿

於維盛世即軒媯朝酆宴鎬復在斯朝光灼爍映蘭池

春風婉轉入細枝時鷺顧慕聲合離輕波微動漾羽卮  
河宗海若生蛟螭浮梁徑度跨迴漪朱顏始洽景將移  
安得壯士駐奔曦

樂府

四時白紵歌五首

古今樂錄曰沈約云白紵五  
章勅臣約造武帝造後兩句

春白紵

蘭葉參差桃半紅飛芳舞縠戲春風如嬌如怨狀不同



含笑流眄滿堂中翡翠羣飛飛不息願在雲間長比翼  
佩服瑤草駐容色舜日堯年歡無極

夏白紵

朱光灼爍照佳人含情送意遙相親嫣然一轉亂心神  
非子之故欲誰因翡翠羣飛飛不息願在雲間長比翼  
佩服瑤草駐容色舜日堯年歡無極

秋白紵

白露欲凝草已黃金瑄玉柱響洞房雙心一意俱徊翔

吐情寄君君莫忘翡翠羣飛飛不息願在雲間長比翼  
佩服瑤草駐容色舜日堯年歡無極

冬白紵

寒閨畫窓羅幌垂婉容麗色心相知雙去雙還誓不移  
長袖拂面為君施翡翠羣飛飛不息願在雲間長比翼  
佩服瑤草駐容色舜日堯年歡無極

夜白紵

秦箏齊瑟燕趙女一朝得意心相許明月如規方襲予

夜長未央歌白紵翡翠羣飛飛不息願在雲間長比翼  
佩服瑤草駐容色舜日堯年歡無極

詩

侍宴詠反舌

假容不足觀遺音猶可薦幸蒙喬樹恩得以聞高殿  
早行逢故人車中為贈

殘朱猶曖曖餘粉尚霏霏昨宵何處宿今晨拂露歸  
為鄰人有懷不至

影逐斜月來香隨遠風入言是定知非欲笑翻成泣

附直學省愁卧網蟲垂戶纖夕烏傍檐飛飛纖語何  
其殢沈約情多未勝江淹才盡六憶猥而不工八  
詠淺而無味

古詩鏡卷十九